

# SKOLA PÚBLIKU DI BOSTON



## SKRITÓRIU DI SUPERINTENDENTI

21 di Dezenbru di 2009

Karus Famílias di Skolas Públiku di Boston,

Na mês pasadu, nu prezenta a Kunitê Skular, Ajenda di Aselerason di 5 anu pa Skolas Públiku di Boston (BPS). El ta mostra ki nus é afortunadu pa ten alguns di kes midjor skolas, pais involvidus, profesoress y lideres ku dedikason, y alunus talentozu. Entretantu, asin ku nu ta selebra es susesu, nu ta rekonhesi tanben ki txeu di nos skolas ka sta ta oferese un idukason di klasi mundial pa kada alunu. Dupos ki nu reve rezultadu di MCAS y otus dadus di dezenpenhu, nu identifika 14 skolas ki ta rekiri atenson spesial pa midjora ses dezenpenhu. Es skola di “virajen” (turnaround) ten txeu dezafiu, ma pa ten susesu, es ten ki fundamentalmenti muda ses forma di opera. Es skola ta ben resebi rekursus adisiunal y intervencion spesifiku pa atinji meta di nesetidadi uniku di kada skola. Pa kes skolas transforma, nu ten ki sta dispostu pa adota novus metodus inovativu a dezafius persistenti, y nu mesti ferosmenti enpenha na prioriza nesetidadi di kriansa primeru. **Un pasu inportanti na prusesu é pa Atu di Reforma Idukasiunal ki sta ser studadu pa lejislatura di stadu pasa.**

Transformason di skola, partikularmenti na nos skolas ku dezenpenhu mas baxu, ka podi ser fetu sen un ikipa di idukador talentozu, ki ten kunhesimentus, abilidadis y enpenhadu na midjora aprendizajen di alunu. Es lejislasion ta da-nu autoridadi di djunta ikipa instrusiunal mas forti pa djuda nos kriansa konsigi profisiensi. Na skolas ondi nu ka konsigi rezultadus puzitivus, nu devi ten puder di fazi mudansa na pesual sen ser inpididu pa un prusesu longu di apelason, audisions, y dokumentos. Kes obstakulu ta minimiza urjênsia na oferta di un eselenti idukason pa kada kriansa. Enkuantu nu ta kontinua ta trabadja en kulaburason ku Sindikatu di Profesoress di Boston (BTU), nu ta rekunhesi tanben ki nos atual akordu di trabadju, na alguns kazus, previni nos di manti profesoress di kualidadi y fleksibilidadi di fazi desizon di pesual ki ta satisfazi midjor nesetidadi di nos alunus.

Skolas pilotu di nos distritu ta kontinua ta ser bastanti skolhidu pa nos famílias. Kes skolas ten dadu fleksibilidadi y inuvasion, enkuantu es ta kontinua ta ser finansiadu y responsabilizadu pa BPS. **Pruposta pa prezidenti di kamara Menino sobri pruposta di skolas “charter” dentu di distritu ta da Kunitê Skular un oportunidadi di stabelesi novu skolas charter dentu di distritu (Horace Mann) komu un veikulu na esforsu di virajen, ma pa tanben kria otus mudelu inuvasivu.**

Nu sta vivi mumentu esitanti na idukason públiku. Prezidenti Obama dedika serka di 5 billion di dolar en fundus pa apoia un numeru di stados selesionadus na adota grandes inisiativa di reforma. Autoridadis di stadu y lukal li na stadu sta ta trabadja di pertu ku lideres di komunidad di trazi es novu fundu di “Race To the Top” pa Massachusetts. **Si aprovalu komu lei, Reforma di Idukason ta trazenu un pasu mas pertu di 250 milion di dolar en fundus pa prosimu kuartru anu.** Duranti es tenpus di ikunomia dezafianti, kel entrada di dolar federal na distritu podi fazi un tremendu diferensa na Skolas Públiku di Boston (BPS) y otus distritu skular na Massachusetts. Entretantu, *si el lejislasion ka pasa, Massachusetts provavelmenti ka ta ten susesu na ses pididu pa kel fundu*, y fundu ta ser dadu pa otus stados ki demostra ki es sta preparadu pa bai pur alen di “negosiu komu di kostumi” y toma un novu forma di odja reformas di idukason.

Nu aneksa alguns informason di fundu sobri es lejislasion ki nu ta spera ses útil pa nhos. Nos meta prinsipal é aseguira ki tudu reformas ta konsentra na alunus y kuzas ki es mesti pa ten susesu agora y na futuro. Desde ja un muiitu obrigadu pa nhos sforsu. Nu ta dezeja nhos y nhos familia un epoka festivu seguru y felis y nu ta pidi pa nhos enkoraja nhos kriansa a le na ferias di invernu.

Nu ta agradesei nhos pa skodji BPS, y nu spera ansiozu nos trabadju kuletivu pa oferese nos kriansa un idukason di primera na Skolas Públiku di Boston.

Atensiozamenti,


Carol R. Johnson  
Superintendenti



# Kulokandu Kriansa Primeru Atravêz di Reforma Edukasiunal



*“Pa konsigi rezultadus ki nu kre – na tenpu ki nu kre – nu mesti fazi mudansa transformativu pa midjora aproveitamentu di alunu, midjora kualidadi di skolhas pa pais, y aumenta oportunitadi pa profesor. Nu mesti da puder a nos idukador di implementa y inova kuze ki ta trabadja.” - Prez. di Kamara Thomas M. Menino*



Lejislasjon di Massachusetts sta na es mumentu ta debati un pruposta di lei di reforma idukasiunal ki podi midjora txeu, skolas na stadu y ajuda kriansas alkansa susesu. Ten un impulsu y esitason atras di es pruposta, ma so pasa un pruposta ka é sufisienti, Pa trabadja pa alunu, pais y idukadoris, pruposta di lei ten ki inklui pruvizon y da distritu skular:

- instrumentu pa virajen na skolas ku dezenpenhu mas baxu;
- oportunitadi pa konpiti pa mas investimentu federal; y
- abilidadi pa kuloka profesores adekuadu na oportunitadi adekuadu.

## **Virajen pa nos skolas ku dezenpenhu mas baxu.**

Mesmu ku txeu skolas esepsiunal na stadu interu, ten un grupu di skolas ki sta konstamenti ku dezenpenhu baxu. Na Boston, nu identifika 14 skolas na es kategoria. Ten stratejia idukasiunal ki nu sabi ki podi trabadja pa nos joven y midjora kes skolas. Sima sbosadu na es mumentu, kel lei ta rekiri distritu skular pa involvi na prusesu arbitral longu antis di implementa kalker stratejia nesensariu. Mesmu depois de kompletandu prusesu arbitral, ka ten garantia ki distritu podi izekuta mudansa. Pruposta di lei di reforma idukasiunal ten ki elimina es prusesu longu pa sforsu di virajen di nos skolas ku dezenpenhu mas baxu.

## **Konpiti pa investimentu federal.**

Massachusetts sta ta konpiti ku otus stadius pa sentenas di milions di dolares di fundu federal di idukason na prugrama “Race to the Top”. Stadius ki ta ganha, ta resebi es fundus pa kuazi tudu skolas, asin komu fundus direksionadu a skolas ku dezenpenhu baxu. Pa ganha, Massachusetts ten ki mostra ki el kre inova. Es inovason podi ser feyi atraves di krianson di skolas “charter” Horace Mann, ki ta opera komu parti di distritu skular lukal y ten fleksibilidadi aumentadu na prugramason, y responsabilizadu pa rezultadu. Es podi na es mumentu stablesi atraves di koverson di un skola izistenti o kria un novu skola, so dipos di aprovason di Kumitê Skular, y prezidenti di Sindikatu di Profesor. Skolas Horace Mann ten abilidadi di kria novus tipu di inuvason y susesu, ma somenti 7 skolas Horace Mann foi kriadu na ultimu 15 anu, inkluidu so 2 na Boston. Pruposta di lei di idukason ten ki permiti krianson dezinpididu di skolas Horace Mann.

## **Kuloka profesor adekuadu na oportunitadi adekuadu.**

Massachusetts ten txeu idukadores tremendus; entretantu, alguns ikipas di skolas ka konsigi kria un ambienti di aprendizajen na skolas ku dezenpenhu mas baxu. Na es mumentu nu ka ten fleksibilidadi di kuloka pesual na forma di djuda kriansa midjor. Na nos 14 skolas di virajen, profesores ki for re-kulokadu ka ta ser despedidu, ma dadu oportunitadi di inkontra lugar na otus skolas di distritu. Es ta dadu tanben un anu di oportunitadis pa dezentvolvimentu profisiunal pa es midjora ses abilidadi komu idukador. Tirandu o re-kulokandu profesores na kes skolas é un prusesu lentu y kustoza – un ki ta previninu di ten ganhus akademiku ki nu prezisa na tenpu ki nos kriansas ta meresi. Pruposta di lei di idukason ten ki aumenta fleksibilidadi pa distritu skular di kulokason di pesual ki ka konsigi fitxa diferensa di aproveitamentu na nos skolas ki sta konstamenti ku dezenpenhu mas baxu.

**Nos lejislador sta ta debati kel pruposta di lei nes mumentu. Es kre obi di nhos!**

Pur favor djunta a koaligason ki sta ta aumenta di alunu, pais y di lideres siviku y di negosiu ki sta pidi reforma sensatu di idukason!

**Txoma nhos Reprerentanti Stadual na 617-722-2000 o vizita [www.racetothetopcoalition.org](http://www.racetothetopcoalition.org).**